

類

焦

類雋卷第十二

勾吳鹿舟鄭若庸纂輯

山東按察司副使古虞百棧鍾 敕

圖書

戶部陝西司主事西蜀少川王用楨

戶部福建司主事古粵礪山鍾 昌

工部營繕司員外四明夢韓張大器 同閱

臨清州知州古完呂珩 校正

太學生汪珙校梓

宮室類

城

盛民

說文云城以盛民

爲固

禮云城墪溝池以

爲固**設險**

易云王公設險以守其國

無壞

詩云

無俾城壞

鮌作

淮南子云鮌作九仞之城

禹始

博物志云城墪自禹始也

衆心

風俗通云衆心

成城**保民**

左傳云魯夏城中丘穀梁曰城以保

民爲德

保德

左云子服景伯曰城保於德

華

賈誼云秦踐華爲城

閑塞

賈山云築長城以爲

閑塞

婦傾

詩云哲婦傾城

掌固

周禮云掌修城

墪溝池之固

伊洺

詩云築城伊洺

環城

禮云孟

冬之月垺城郭固封疆**三堵**左傳云三堵為雉

長三丈高一尺**五堵**公羊傳云方丈而堵又五

板而堵五堵而雉百雉而城**九雉**考工記云城

隅九雉以為都城之制**百雉**公羊傳云邑無百

雉之城又左傳云都城過百雉君之蓄也**千雉**

公羊傳注云天子千雉諸侯百雉伯七十雉子

男五十雉**萬雉**班孟堅云建金城萬雉又金墉

贊其萬雉**仞制**五經異義云天子之城高九仞

公侯七仞伯五仞子男三仞**雉制**公羊傳注云

天子之城千雉高七雉公侯百雉高五雉子男

五雉高三雉

睥睨

釋名云方城上垣謂之睥睨

言於孔中睥睨非常也亦曰睥言睥眈城之高

也亦曰女牆言其卑小比之於城若女子之於

大夫也說文所謂櫟者亦女牆也

因

管子云

內為之城外為之郭又釋名云城盛也盛受國

都也郭廓也廓落在城外也入風俗通云郭或

云郭

補築

月令云歲孟秋之月補城郭仲秋之

月築城郭

築義

左傳云計丈數揣高卑度厚薄

仞溝洫物土方議遠邇量事期計徒庸慮材用
書糗糧以令役此築城之義也

皮骨

王肅云城

之有郭猶骨之有皮表裏各異則保障不完皮

骨分離則一體不具

不指

禮記云登城不指城

上不呼

拒胡

史記云秦築長城延袤千里以拒

胡也

環攻

孟子云三里之城七里之郭環而攻

之而不勝

粉楯

孫武子云攻城之法修櫓粉楯

其器械三月而後成

大邑

周書云周公作大邑

成周于土中立城方千六百二十丈郭方七十

二里南繫于洛水北因于陝山又洛陽記云洛陽城周公所制東西十里南北十三里城上百步一樓櫓外有溝塹

粟

漢書云神農之教曰

有石城十仞湯池百步帶甲百萬而無粟不能守也黑壤關中記云長安城皆黑壤城今赤如火堅如石父老所傳蓋鑿龍首山上為城又諸臺闕亦爾

卧龍

王隱晉書云涼州城有卧龍形故名卧龍城南北七十里東西三十里本匈奴

所築

石頭

丹陽記云石頭城因山為城江以為

池地形險固**金城**秦州記云金城郡漢元始六年置應劭曰初築城得金故曰金城**黃鵠**荊州國經云江夏郡所治夏口城其西南角因磯為高塘枕流上則迴眺山川下則激浪崎嶇是曰黃鵠磯**錦里**益州記云益州城張儀所築錦城在州南蜀時故宮也因號錦里**不夜**齊地記云不夜城在陽廷東西蓋古有日夜出此城以不夜名異之也**干城**詩云糾糾武夫公侯干城**天****廐**前漢書張良傳云關中左殽至右隴蜀此所

謂金城千里天府之固**若城**賈誼云文帝上設
庶耻禮義以遇其臣故俗成化定父兄之臣誠
死宗廟法度之臣誠死社稷輔翼之臣誠死君
上守圉扞敵之臣誠死城郭封疆故曰聖人有
金城比物以志也注人皆懷德戮力同心國家
安固壯若金城**朔方**詩云王命南仲城彼朔方
方山左傳云楚國方山以為城**斗城**三輔黃圖
云漢初長安城狹小惠帝更築之城南為南斗
形北為北斗形至今人呼漢京城為斗城是也

赤甲

荊州圖記云魚復縣西北赤甲城東南連

白帝城西臨大江

白帝

荊州圖記云白帝城西

臨大江東南高二百丈西北高一千丈

積金

十

州記云崑崙山有積金為天城面方千里

九重

淮南子云崑崙山有增城九重其高一萬一千

一百一十里

下魚

宜都記云限山縣東六十里

有山名下魚城四面絕崖唯兩道可通上周迴
二十里有林木池水人田種於中永嘉亂土人
登此避賊守之經年食盡取池魚擲下與賊以

示不窮賊遂退散因此名為下魚城

紫土

古今

注云秦所築長城土色皆紫漢塞亦然故稱紫

塞

皇后

酈道元云魯陽關水歷衡山西南經皇

右城西連武元年光武遣侍中傅浚持節迎光

烈皇后於渭陽浚發兵三百餘人宿衛皇后道

路歸京師故城得名

邽月

荊州記云沔陽縣至

沔口水北有邽月城西一里有馬騎城周迴五

里高一丈

東都

通鑑外記云周城王七年將營

成周居洛邑使召公先相宅三月周公至洛興

工營築謂之王城是為東都方千七百二十丈
郭方七十里南繫于洛水北因于邙山以為天
下之所湊制為郊甸方六百里因西土為千里
分為百縣**德固**左傳云晉侯二公子築蒲與屈
士薦曰懷德惟寧宗子維城君其修德而固何
城如之**無益**左傳云楚囊瓦城郢沈尹戌曰不
能衛民城無益也**守陴**左傳云楚子園鄭句七
日鄭人卜行成不吉卜臨于大宮且巷出車吉
國人大臨守陴者皆哭楚子退師鄭人修城進

復圍之三日克之注郢城上俾倪皆哭以告楚
窮也入郢左傳云鄭人以王師會邾伐宋入宋
郢郢郭也**哭崩**列女傳云齊人杞梁襲莒戰而
死其妻無所歸乃枕夫尸於城下而哭之七日
而城崩妻遂投之水而死**不沒**通鑑云智伯攻
趙圍晉陽而灌之城不沒者三板沈黿產蛙民
無叛意**同利**漢書高祖紀云王陵曰陛下攻城
略地所降下者固以與之與天下同利也**晏閑**
漢書宣帝贊云邊城晏閑**拒開**後漢書云郅憚

君章為上東門候帝常獵遇夕駕還憚拒關不
開帝乃迴從中東門入詰旦賜憚有罪中東門
候**鼓倡**晉太康記云睢陽城方十三里梁孝王
築之鼓倡節杵而後下和之者稱睢陽曲今踵
以為故今之樂家睢陽曲是其遺音**寧邪**隋書
煬帝紀云設險守國著在前經重門禦暴事彰
往策所以宅土寧邦禁邪固本**長城**唐書李勣
傳云勣治并州以威肅聞太宗曰煬帝不擇人
守邊勞中國築長城今我用勣賢於長城遠矣

又田弘正傳云弘正治魏憲宗曰魏人樂公之

政畏公之威為朕長城

受降

唐書云張仁愿神

龍中取漠南地築三受降城絕虜南寇路

繕隍

唐書云張建封進濠壽盛觀察使是時四方多

故乃繕啤隍

增啤

唐書云顏真卿為平原太守

安祿山逆狀已萌真卿度必反陽記霖雨增啤

浚隍

跨水

唐書云崔神慶拜并州長史初州隔

汾水為東西二城神慶跨水聯堞合而一之省

防禦兵歲數十云

修築

唐書云裴行儉討遮旬

春王方異為副築碎葉城面三門迂還多趣以
就出入五旬畢西域故縱觀莫測其方略**大玄**
唐書云高駢徙劔南西川節度成都城歲壞駢
易以埤甃埤堦一新眉城丘陵懇平之以便農
桑訖功筮之得大畜駢曰畜者養也濟以剛健
篤實輝光曰新吉孰大焉又宜去下存上因名
大玄城**五言**唐書云秦系與劉長卿善以詩相
贈答權德輿曰長卿自以五言長城系用偏師
攻之**譙槽**唐書馬燧傳云設一門為譙槽注槽

上守禦樓張國鮑昭云正若斷岸矗似長雲隱

密杜子美云孤城隱霧深相奪韓愈云相奪也

為之城郭甲兵以守之登槽歐陽建云登茲槽

以遐眺開會軒以高眎仰天途之綿邈俯平原

之曠衍嘉蒼春之令節悅和風之微扇倚觀八

隅周覽四岳面孤丘之峻峙阻曲岸之修崖植

榆楸以成列挿垂柳之差差寓目忽以終日情

登覺而志疲

市

日中 易云神農氏作日中為市致天下之人聚天下之貨交易而退各得其所**市井** 風俗通云市亦謂之市井言人至市有所鬻賣者當於井上洗濯令香潔然後到市也或曰古者二十畝為井因井為市故云也**貨肆** 管子云市者貨之準也是故百貨賤則百利得**虛所** 柳子原云虛所賣之注南越中謂野市曰虛吳賢良云市之所在有人則滿無人則虛又青箱雜記云嶺南

村市滿時少虛時多故謂之虛**不匱**風俗通云
市恃也言交易而退恃以不匱也**亥市**徐筠水
志云分寧縣本常州亥市嶺南村落有市謂之
虛不常會多虛日也又青箱雜記云蜀有亥市
間旦集如痰瘡之發江南惡以疾稱故止曰亥
又荆吳俗有取寅申巳亥日集于市故謂亥市
關閭古今注云關者市之垣閭者市之門肆以
陳貨居以置貨**買賣**說文云市買賣所也**太市**
隋書天文志云天市垣二十二星主權衡主聚

衆又云天井九星市官之長也主列肆闐闐若
市籍之事**祝融**世本云祝融作市又古史考云
神農作市高陽氏衰市官六修祝融修市**立市**
周禮云建國後立市設其次置其叙正其肆陳
其貨財出度量建國必面朝而後市王立朝后
立市陰陽相成之象也**司市**周禮云司市掌市
之治教政刑量度禁令以次叙分地而經市以
陳肆辨物而平市以政令禁靡而均市以商買
阜財而行布大市日昃而市百族為主朝市朝

時而市商賈為主夕市夕時而市販夫販婦為主
司武周禮云司武掌憲市之禁令禁其鬪鬻
者與其武亂者出入相陵犯者以屬游飲食于
市者若不可禁則搏而戮之**九市**三輔舊事云
長安有九市**四市**丹陽記云京師有四市**三市**
洛陽記云洛陽有三市一云即周禮晏朝夕三
市也**市名**顏延之纂要云市巷曰闔市門曰闔
又鄭衆云市中空地曰廛又曰市宅又古今注
云闔者市之垣閭者市之門肆所以陳貨粥之

物君所以置貨糶之物**苑陵**丹陽記云苑城中

謂之苑陵**邠亭**桓譚新論云扶風邠亭本太王

所處其人有會曰相與夜市如不為期則有重

災**市官**左傳云市官賈正掌貨物使有常價**駟**

僧漢書云駟僧估僧其餘利古云僧者會合二

家交易駟者其首率也淮南子云市僧大會也

食廬史記云廬賈三之食賈五之**印貴**貨殖傳

云萬物印貴注印物價起也又云翔貴**折閱**荀

子云良賈不為折閱不市注閱賣也謂損所閱

賣之價

爭利

張儀云爭名者於朝爭利者於市

三川周室天下之朝市也

刑人

禮記云刑人于

市與衆棄之又周禮云掌戮凡殺人者陪諸市

肆三日刑盜于市

溺里

越絕書云吳市者春申

君所造在湖里

廢著

家語云子貢廢著鬻財於

曹魯之間又云子貢好廢舉與時轉貨貨注著

居也讀如貯轉貨亦謂停貯也

積居

史記云陶

朱公治產積居與時逐而不貴於人注逐時居

貨

質人

周禮云質人掌成市之貨賄凡賣償者

質劑焉大市以質小市以劑賈誼周禮云賈師
辨其物而均平之展其成而真其質然後令市
司稽周禮云司稽掌巡市而察其犯禁者與不
物者而持之肆長周禮云肆長掌其肆之政令
而平正之聚人周禮疏云市之聚人猶地之客
衆處商國語云齊威公曰處士農工商若何管
子曰處商就市井不偽後漢書云巧偽之物不
鬻於市若撻書說命云予弗克俾厥后惟克殛
若撻于市憑稅禮記云市廛而不稅注廛市物

郎舍稅其舍不稅其物

不勝

比史云市者交利

之所君子無故不游觀焉

攫金

列子云昔齊人

有欲金者清旦衣冠而之市適鬻金者所攫其金而去吏捕問之對曰取金之時不見人但見

金

朝盈

譚子云富貴則就貧賤則去此物之必

至理固然也市朝則盈夕則虛非朝愛而夕憎

亦勢使然

圉圉

前漢書云秦圉圉成市

倚閭

漢

書云刺綉文不如倚市門此言末業貧者之資

言利

揚子云市井相與言則以財與利

立平

揚

子云一關之市必立之平**宮市**太公六韜云武

王伐殷得二夫人問曰殷國將亡有妖乎曰殷
君喜修宮室大者宮中九市又戰國策云齊國
將亡亦有妖乎其一人曰齊桓公宮中七市**野**

語察語云孔子與聞國政三月粥羔豚者弗飾

價**鶴舞**吳越春秋云吳王闔廬有愛女自殺王

痛之葬於郭西昌門外乃舞白鶴於吳市令萬

人庭觀**吹篴**史記云伍子胥出昭關夜行晝伏

至於陵水無所餬其口吹篴乞食於吳市與吳

闔闔為伯擊筑

史記云荆軻至燕愛善擊筑者

高漸離漸離擊筑軻和而歌於市中相樂已而

相泣旁若無人

避仇

史記云聶政杞人殺人避

仇與母姊如齊以屠為事降志辱身居市井

閭

者

史記云魏有隱士曰侯嬴年七十家貧為大

梁門者魏公子信陵君置酒大會客公子從車

騎虛左自迎之侯生謂公子曰臣有客朱亥在

市屠中願枉車騎過之

立木

史記云秦孝公使

商鞅定法令法令既具恐人不信乃立三丈之

木於國都市南門募民有能徒置北門者與千

金二**隱**高士傳云毛公薛公遭戰國之亂二人

俱以處士隱於邯鄲市毛公隱為傳徒薛賣膠

春市漢書云楚王伐吳申公白公二人諫不聽

衣之赭衣使杵椎舂於市**狼入**劉向洪範傳云

秦惠王四年狼入咸陽市昭王六年狼又入咸

陽市中**懸金**史記云呂不韋為丞相招致術士

使人著其所聞為呂氏春秋曝之咸陽市門懸

千金於上有能增損一字與之時無能者**隱市**

楚國先賢傳云熊宜僚楚人隱居市南不屈於

時

貴賤

左傳云齊景公欲更晏子之宅曰予之

宅近市辭曰小人近市得所求小人之利也公

曰子近市識貴賤乎對曰踊貴屨賤

滌器

漢書

云司馬相如與卓文君之臨邛盡賣其車騎為

酒舍令文君當壚相如身自與保庸雜作滌器

於市

賣卜

史記云司馬季主賣卜於長安東市

又漢書云嚴君平卜筮於成都市中以為卜筮

賤業可以惠衆人有邪惡非正之事則作著龜

言之

列物

漢書云鼎弘羊令吏主市列敗物求

利**會市**

三輔黃圖云元始四年起明堂壁雍長

安城南北為會市但列槐樹數百行為隊無墻

壁諸生朔望會此市各持其郡所出貨物及經

書傳記笙磬器物相與買賣雍容揖遜或議論

槐下

市吏

漢書云大將軍霍光秉政諸霍在平

陽奴客持刀入市聞變吏不能禁及尹翁歸為

市吏莫敢犯者公廉不受饋百賈畏之

成市

東

觀漢記云樊重治產起廬舍高樓連關陂池灌

注竹木成林閑門成市

胡市

漢名臣奏云太尉

應劭等議以爲鮮卑隔在漢北犬羊爲羣牲貪
無信自漢興於茲數犯障塞且無寧歲吏民創
禁不與交關唯至胡市乃成靡服非畏威懷德
實玩中國珍異之故耳

閱書

謝承後漢書云會

稽王充字仲仁家貧無書常游洛陽市肆閱所

賣書

一見輒憶遂博通

賣藥

范時後漢書云韓

康伯字伯林京兆潯陵人也常採藥名山賣於

長安都市口不二價

市令

漢書云光武以祭遵

為市令家人犯法遵格殺之

踊貴

漢書云呂布

殺董卓百姓相對欣喜并舞皆賣家中珠環衣服牀榻以買酒食相應賀長安酒肉為之踊貴

閭閻

漢書云王莽亂政梅福棄妻子去九江其

後人有見福於會稽變姓名為吳市門卒

罷市

晉書云羊祜都督荊州卒州人正市聞祜卒皆

號慟罷市

白望

唐書張建傳云德宗時宦者主

宮市嘗置數十百人閱物廩左謂之白望無詔又驗覈但稱宮市則莫敢誰何大率與直十不

債一諫臣文章列上皆不納**開場**班固云九市

開場貨列隧分**商川**左思云市廛所會萬商之

川列隧百重羅肆巨千財貨山積纖麗星繁**移**

市梁簡文帝云吾祿泊冬川阻茲涸水日中愬

會交貿遷移雖樊無外取吳得所求而旗亭舊

體自有常處正恐舊肆盈虛或成彫廢**旗亭**張

平子云旗亭五里注市樓立亭於主**雲曼**王廙

云列肆雲曼**通閭**張平子云廣開九市通閭帶

閱環貨萬至鳥集鱗萃**要津**云市必要津

分塵

李庾云貨陸分塵

將目

梁庾有吾云於亭

出御道遊目暫迴車旣非隨舞鶴聊思索枯魚

因龜識季主傍酒見相如

霞生

陳張王見云雲

閣綺霞生旗亭麗日明塵飛三市路蓋入九重

城惟見爭名利安知大隱情

早休

杜子美云山

縣早休市

錐刀

又云市人日中集於利競錐刀

趣墟

柳子厚云青箬裹鹽婦洞客綠荷包反趣

虛人

至申

張祐云野橋經亥市山路至申洲

道路

蹈露

釋名云道蹈路露人所踐蹈而露見也

經

緯

周官云黃帝為天子營國中九經九緯經涂

九軌環涂七軌野涂五軌凡道路舟車擊互者
叙而行之凡有節者及有爵者至則為之辟禁
野之橫行徑踰者**道名**廣雅云環軌垣街闔閭
畎斜道也又畛余陳阡陌術亦道路別名注涂
度也堂涂曰陳術亦路也**九達**釋名云一達曰
道路二達曰岐三達曰劇旁四達曰衢五達曰
康六達曰莊七達曰劇驂八達曰崇期九達曰

堦又云城下道曰隄步所用道曰蹊鹿兔之道

曰亢

列樹

國語云周制有之列樹以表道立鄙

舍以守道路謂置候人之官也

平易

周禮云司

空以時平易道路又左傳云晉之道路平易

術

月令云孟春端經術注端正徑步道術車道

微行

詩云遵彼微行注墻下行徑也

中逵

詩云

肅肅免置施于中逵**周行**詩云惠而好我示彼

周行注大道也

艮象

易云艮為徑路

震象

易云

震為大塗

九阡

管子建云東西經七陌南北越

九阡

阨陌

風俗通云南北為阨東西為陌

隘巷

詩云誕寘之隘巷

龜背

說文云九達道也以

龜背故謂之九達

野廬

周禮云野廬氏掌達國之

道路

合方

周禮云合方氏掌達天下之道路

虎

賁

周禮云虎賁氏若道路不通有徵事則奉書

以使於四方

治野

周禮云遂人治野一夫有遂

遂上有畛十夫有溝溝上有徑百夫有洫洫上

有涂千夫有澮澮上有道萬夫有川川上有路

以達于畿注經容牛馬畛容大車涂容乘車

軌道容二軌路容三軌**樹林**周禮云司險掌九

州之圖以周知其山林川澤之阻而違其道路

設國之五溝五涂而樹之林以為阻固皆有守

禁而違其道路**修除**周禮云野廬氏比修除道

路注比較也修除謂治道**竭縣**周禮云有死於

道路者蜡氏令埋而置楬焉書其日月懸其衣

服任器於有地之官以待其人**阻長**詩云道阻

且長**道第**國語云周定王使單襄公聘宋假道

於陳道第不可行注第謂草穢塞路**馬經**酈元

云晉昌郡南及廣武馬蹄公盤石上馬有跡若
踐泥中自然之形故其俗號天馬徑〔結轍〕漢書
云文帝詔遣使者結輶於道〔履道〕易云履道坦
坦〔有〕蕩詩云魯道有蕩齊子遊遨〔九陌〕漢宮殿
疏云長安中有九陌〔田〕石禮記云道路男子由
右婦人由左車從中央〔祖道〕五經要義云將行
者有祖道一曰祀行言祭祀道路之神以祈也
〔鐸〕狗書云每歲孟春適人以木鐸循于路〔好徑〕
老子云大道甚夷而人〔好徑〕通道書云武王遂

通道於九夷八蠻**不拾**家語云孔子為政男女

行者別途道不拾遺四方客至於邑者皆如歸

焉又國語云子產招鄭道不拾遺**泣岐**淮南子

云揚朱泣岐謂可以南可以北也**有摩**戰國策

云蘇秦說齊王曰臨淄之塗車轂擊人有摩連

衽成帷舉袂成幕揮汗成雨家設人足志高氣

揚以大王之賔與齊之彊天下莫能當**康衢**家

語云堯微服遊於康衢聞兒童謠曰立我蒸民

莫匪爾極不識不知順帝之則**馳道**賈山云秦

東窮燕齊南極吳越蹕道廣五十步隱以金摧
樹以青松為馳道之麗至於此使其後世曾不
得邪徑而託足焉路家語云虞芮爭田而訟
不決乃相謂曰西伯仁人也盍往質之入其境
耕者遜畔行者遜路曰嘻吾儕小人也不可入
君子之庭退以所爭之田為閑田潘塞何禮云
國有故藩塞阻路而止行者謂閑要路以備姦
寇假道左傳云晉欒公欲伐虢荀息請以屈產
之乘垂棘之璧假道于虞隕焉韓非云管仲從

威公至孤竹春往冬反迷失道管仲曰老馬之
智可用也乃放老馬而隨之遂得道道鍾呂氏
春秋云中山之國曰風繇智伯欲攻之道絕為
鑄大鍾方車二軌遺風繇之君斬岸堙溪以迎
鍾隨而攻風繇遂亡金牛史記云秦惠王欲伐
蜀乃刻石牛置黃金於後曰此天牛能糞金蜀
王以為然遣五丁力士鑿道通蜀使張儀隨其
路伐之辯女列女傳云楚野辯女者昭氏妻也
鄭簡公使大夫聘于荆至於狹路有婦人乘車

與大夫遇擊折大夫之車軸大夫怒將執鞭之
女曰妾聞君子不遷怒不貳過今秋路之中妾
之避已極矣而子大夫之僕不肯少伺是以廢
子大夫之車而反執妾豈非遷怒哉不怒僕而
怒妾豈不貳過哉還淳左傳云晉戎馬還淳而
止注遇泥淳盤旋不進問漢書云丙吉為相
嘗出逢道聞死傷者過之不問前逢人逐牛牛
喘吉止使騎吏問牛行遠近或以譏吉吉曰民
聞殺傷長安令京兆尹職也方春少陽用事未

宜大熱恐牛近行因暑故喘此時氣舛錯陰陽
失調責在三公是以問之時以吉知大休**糞陰**
第五倫傳云倫字伯魚未達客河東變姓名稱
王伯齊載鹽往來太原上黨所過輒為糞除陌
上**刊道**漢書云馬援拜伏波將軍緣海隨山刊
道千里**避泥**魏先賢傳云鍾皓為司徒掾公出
路泥濘導從惡其相灑去公車絕遠公徐言曰
司徒今日乃獨行耳還府悉無所救**布土**漢書
云王霸為上谷太守修飛狐道至平城推石布

土三百餘里

東馬

益州記云武僖道在陰平縣

北其道云險鄧艾入蜀至此束馬懸車

銅表魏

志云文帝迎薛靈芝大道傍一里置銅表五尺

以志里數

桓槐

北史云常孝寬為雍州刺史先

是路側里置土堠經兩顏毀每須修之孝寬至

臨州乃勒部內當堠處桓槐代之既免修復且

便行

迷道

東觀漢記云逢萌被徵上道迷不知

東西云朝廷所徵我者為聰明叡智有益於政

方向不知安能濟即駕而歸

避道

北齊書云司

馬膺之與楊愔同為黃門郎至愔為尚書令執
禮如初曹路逢愔威儀導引乃於樹下側避愔
望見令呼謂曰兄何意避弟膺之曰我自避赤
捧本不避卿愔甚重之周柳隨書云煬帝大業
元年發淮南民十餘萬開邗溝自山陽至揚子
入江渠廣四十步旁築御道樹以柳天威高駢
傳云駢鎮安南使者歲至乃鑿道五所置兵護
送其徑有青石或得馬援所不能治旣攻有雷
碎其石乃得通因名道曰天威清庭

狄仁傑傳

云帝幸汾陽宮為知頓使并州長史李冲玄以
道出妬女祠俗言盛服過者致風雷之變更發
卒數萬攻馳道仁傑曰天子之行風伯清塵雨
師洒道何妬女避耶止其役帝壯之曰真丈夫
哉何適南部新書云朱泚敗走昏迷不辨南北
因問路於田谷谷曰豈非朱太尉耶源休止之
曰漢皇帝谷曰天地不長惡蛇鼠不為龍天網
恢恢去將何適遂亡所在通真揚子云塗雖曲
而通諸夏摘董子云道者所繇適於治之路

也**方軌**

左思云關二九之通門畫方軌之廣涂

羊腸

魏武帝云羊腸坂詰屈車輪為之摧又王

智深宋紀曰氏人揚難嘗居仇池山高二十里

羊腸盤道三十六迴

三條

班固云披三條之廣

路立十二之通門

覆轡

潘尼云道深地狹坂峭

軌長輪輿顛覆人馬仆僵蘭街劉義恭云飛流

界桂道深林胃蘭街

民路

柳子厚云惟房與杜

實為民路

九折

柳子厚云御長轅之無撓弓行

九折之戔戔

垂綫

杜子美云危塗中索盤仰望

垂線縷

拔榛

又云披榛得徵路

木杪

又云路危

行木杪

畏塗

李白云畏塗巉巖不可攀

裙腰

白

樂天云誰開湖寺西南路草綠裙腰一徑斜注
孤山寺路在湖州中草綠時望如裙腰

橋

水梁

說文云橋水梁也東楚謂梁橋為圯

造舟

詩云造舟為梁注造至也謂從舟至舟相編為
橋即今浮橋又云周文王造舟於渭秦公子鍼
奔晉造舟於河在蒲坂夏陽津今蒲津浮是其

處建阻

周禮云司嶮知川澤之阻而達其道路

注達道路者川澤之阻則橋梁之

絕水

詩云有

狐綏綏石彼洪梁注石絕水為梁

梁猗

爾雅云

梁莫大於渙梁郭璞注梁橋也或曰梁石橋石

杠謂之猗亦石橋也

權

廣志云獨木橋曰權

亦曰猗音灼水上橫木為渡猗亦謂略猗

鴈齒

事始云橋上級謂之鴈齒

躡鵠

雜志云橋柱下

橫水入沙中者謂之躡鵠

輿梁

孟子云歲十一

月徒杠成十二月輿梁成民未病涉也

應星

常

璩華陽國志云李永造七橋上應七星故光武
謂吳漢曰安軍宜在七星橋也顧望周處風土
記云陽羨縣前有大橋下有獺每兵起則獺出
穴口西向而嗥鵲成淮南子云七月七夕織女
赴牽牛鳥鵲填河成橋古橋鄧道元水經注及
地里志云吳有朱雀橋枝橋羅落橋張浚橋赤
蘭橋白虎橋鷄鳴橋蜀有冲里橋市橋江橋萬
橋夷里橋羊橋長升橋又有鴈橋漢安橋又有
陰平橋升仙橋襄陽有水蘭橋一名暗蘭橋雀

鼠谷有魯班橋上方有鬼橋陝城有鳴橋清河
有呂丹橋上虞有百官橋仇池有博山橋賈津
橋鹿角橋泗水有石橋張良遇黃石公處也東
海有石橋秦始皇造欲過海也後涼有通順橋
在墩煌後燕有五丈橋此皆晉魏已前昭著者
鼃鼃紀年云周穆王三十七年伐楚大起九師
至於九江北鼃鼃為梁**機橋**史記云燕太子丹
質於秦秦王遇之無禮乃求歸秦王為機發之
橋將陷丹丹度之無虞又唐書云唐承訓屯海

州作機橋維以長絙賊至半渡絕絙半溺死渡者不能戰皆賊之報仇戰國策云豫讓欲為智伯報仇趙襄子常出伏於橋下至橋馬驚曰必豫讓也求之果是乃殺之抱柱蘇秦云尾生與婦人期於梁下不至水漲抱梁柱而死梁柱左傳云除道梁澁注作橋澁水上驅石三齊要略云秦始皇作石橋欲過海觀日出處有神人能驅石石去不疾神輒鞭之驅石下海石皆流血

浮橋

春秋後傳云赧王五十八年秦作浮橋於

河牽牛

三輔黃圖云秦始皇兼天下都咸陽端

門四達以則紫宮渭水貫都以象天漢橫橋南

渡以法牽牛

題柱

史記云司馬相如往京師過

蜀郡升仙橋題柱曰不乘駟馬車不復過此橋

枕席

漢書云趙充國治湟陝以西道橋七十所

令可行師以制西域信威千里師行始從枕席

上過

就安

前漢書云元帝祭宗廟出便門欲御

棧船薛廣德免冠頓首曰願從橋上不悅光祿

大夫張猛曰乘船危就橋安聖主不乘危諫議

大夫言是上乃從橋**馬家**三輔舊事云漢丞相

夏侯嬰墓在飲馬橋東道南今俗人謂之馬家

斷橋

蜀志云先主為曹公所追張飛在後據水

斷橋無敢近者

呂母

郭緣生述征記云壽張縣

梁山際清水呂母宅任山北東北過水呂母梁

積石猶在

飛炬

漢書云岑彭令軍中募攻浮橋

先登者上賞於是偏將軍魯奇應募而前時東

風狂急魯奇船逆流上直衝浮橋橫柱有鈞奇

船不得去奇等衆勢殊死戰因飛炬焚之風怒

火盛橋榦崩燒遂悉軍順風並進所向無前石

鼈晉書云成都王穎屯及南阻清水為壘造浮

橋通河北以木函盛石沈之以繫橋名曰石鼈

河橋晉書云杜預啓河橋於富平津衆論以為

周故都聖賢未作不可創預曰造舟為梁則河

橋之謂也遂成橋上從百官臨視舉杯勸預鐵

牛絕異記云蒲津河橋天下之要津明皇詔鑄

鐵牛八頭柱二十四連鑰十二山架八所牧人

八牧中立亭作虹蜺之狀實萬世奇觀**築道**唐

書云梁立德從征遼師還至遼澤亘二百里淖
不可通立德築道為橋梁無留行

韻魂

天寶遺

事云長安灞陵有橋迎來送去皆至此呼為銷
魂橋

斬蛟

義興記云郡溪渚長橋下有蒼蛟吞

人周處執劍橋側候久之蛟出水上身乃從橋
投下蛟背刺之斬蛟首而出

采石

武夷志云武

夷君慢亭晏曾孫有綵虹橋又李太白云衆橋
躡綵虹

聞鵲

聞見錄云邵康節步天津橋聞杜

鵲不樂客問故曰洛陽舊無杜鵑不十年上用

南人爲相天下多事矣。**通鑑**庾信云太夫參卜
位司職渭之陽富平移鑠柱甘泉運石梁跨虹
連絕岸浮鱉續斷航春舟鸚鵡色流水桃花香
星積逢漢帝鈞叟遇周王平堤石岸直高堰邨
林長美言杜元凱河橋獨舉觴。**臨濠**張文琮云
造舟浮渭日鞭石表秦初星文遙瀉漢虹勢上
凌虛已授文周履空題武騎書別有臨濠上樓
偃獨觀書。**臨瀛**唐太宗云曲岸非千里橋斜異
七星暫低逢輦度還高值浪驚水搖文鵲動纜

轉錦花榮遠近隨輪影輕重應人行
鴈海柳魚
云駕海維河浮奄役鵲
五張或云虹野電拖
虎步雲就力將岸爭執與空關

關

境門

禮記鄭玄注云關境上門也
察月令章

句云關在境所以察出禦入

重門

易云重門擊

柝以待暴客蓋取諸豫
險道崔融云天下之關

必險道

天星

漢書云天文兩河間有天關梁太

公金匱云春三月斗星為天關戰背天關白天

渠敵不可當

太府

周禮云太府掌關市之賦以

待王之膳服

司關

周禮云司關掌國貨之節以

聯門市司貨賄之出入者掌其地禁與其征璽
凡貨不出於關者舉其貨罰其人凡所達貨賄
者則以節傳出之國凶札則無關門之征注貨
節謂商賈所發司市之璽節也自外來者則案
其節而書其貨之多少通之國門國門通之司
市自內出者司市為之璽節通之國門國門通
之關門參相聯以檢猾商

掌節

周禮云掌節門

關用符節貨賄用璽節注門關司門司關也貨賄主通貨賄之官謂司市也

無索

月令云仲夏

之月關市無索

至日

易云光王以至日閉關商

旅不行

謂關

禮記云謂關以從者數對

延敵

賈

誼云秦人開關而延敵九國之師逡巡而不敢

進

仰關

賈誼云九國常以十倍之地仰關攻秦

旅悅

周禮云凡四方賓客叩關譏而不禁則天

下行旅皆悅願出其路矣

何留

漢書云厨傳勿

舍關津何留何謂問是何人而停留之

關譏

禮

記云關執禁以譏禁異服譏異言注譏呵察之

也

除傳

漢書云文帝除關無用傳

秦關

三秦記

云秦地西有隴關東有函谷關臨晉關南有峽

關武關榆中

溪

地志云漢有玉門關陽關五

原關蕭關在邊郡天井關在太行山居庸關在

上谷江關在吳壺關在上黨橫浦關湟溪關在

越後漢有散關斜谷關在秦西南藍田關在秦

南廣城關轅轅關旋門關郿坂關在洛陽白水

關在南鄭鄠離關在河西

魏關

又云魏有潼關

在函谷西金門關在函谷東

蜀

文云蜀有陽

安關

晉

文晉云有馬溺關在望都縣井徑關

高梁關在趙地延壽關在新城清泥關在秦西

南太行關在上黨鴻上關在中山白馬關在沙

洲銅關鐵關在吳蘇關盧氏縣衝關在蒲坂南

馬耳關皇蘭關在邊郡

四

關洛陽記云漢洛陽

四關東城臯南伊闕西函谷北孟津

六

關左傳

云臧文仲不仁者三下展禽廢六關妾織蒲

七

渡李燾長編云左司諫巫表臣言太江之南上

自荆鄂下至常潤十郡之間其要緊處不過七渡上流最急者三荆之公安石首岳之北津中流最緊者二鄂之武昌太平之采石下流最緊者二建康之宣化鎮江之瓜州是也惟此七渡當擇官兵修器械其餘畧為之防足矣詔以付沿江守帥

目

真德秀云今淮東要害在清河

之口敵之糧道實出于茲而淮陰無築丈之城

無尺寸之兵徒以山陽可恃而已然山陽雖大

前無淮陽之蔽後無寶應之援若敵以軍兵遮

前奇兵斷後則高郵淮陽之路絕而山陽之形孤山陽不守則通泰危而江浙震矣淮西糧道在渦潁之口敵之糧道亦自北而出而濠梁安豐城則單薄地則堙狹兵則單虛徒有廬和可恃而已然有安豐之屏扞則敵始不得以犯合肥有濠梁之蔽則敵始不得以走歷陽借有它逕可由而吾以廬和當前而濠壽斷後則彼有腹背之虞我有犄角之助其能深入乎歟固兩淮預防三口此非臆說也

賈

關令尹內傳云

周元老子將度函谷關令尹喜先勅門吏
曰若有老翁從東來乘青牛薄板車勿聽過關
其日果見老翁乘青牛車求度關吏止之入白
尹喜曰公今來我見聖人矣帶印綬出迎設弟
子禮因授之道德經五千言

關

說苑云楚公

出之

白馬

桓譚新論云公孫龍持曰白馬非白

人不能屈後乘白馬無符傳欲出關關吏不聽
此虛言難以奪實又劉向云公孫龍持白馬之

論以度閔斬閔左傳云季孫攻臧氏臧紇斬鹿

門之閔以出奔邾弛管子云齊威公踐位弛

閔市之征五十而取一不征國語云通齊國魚

鹽於東萊使閔市譏而不征吞珠吳越春秋云

伍子胥逃楚至昭閔閔吏欲執之伍子胥曰上

之所索者以我有美珠今我以亡之矣將告子

取吞之閔吏因舍焉鷄鳴史記云秦王囚孟嘗

君遂變名姓夜半至函谷閔閔法鷄鳴出客孟

嘗君恐追至客有居下坐者能為鷄鳴遂發傳

出食頃追果至**不**舍史記云商君亡至關不得

舍曰商君令舍人無驗者坐之**東新**漢書云沛

公西入武關居於灞上遣將軍閉函谷關無內

項王項王大將亞父至關不得入怒曰沛公欲

及耶即令家發薪一束欲燎關門關門乃開**用**

傳

漢書記云漢興都關中置關都尉以察偽詐

用出出入又云景帝四年復置諸關用傳出

注古者或刻木為合符或用繒帛張晏曰傳信

也兩行書繒帛分持其一出入關合之乃得過

謂之傳釋名曰過所至關津以示之寫一通付

關吏

大搜

漢書云武帝大漢元年閉關大搜從

關

漢書云武帝時揚僕征南越有功耻為關外

人帝為徙幽谷關於新安以故關為弘農縣神

馬

洞冥記云東方朔得神馬一匹高九尺武帝

問朔是何獸也朔曰王母乘靈光之輦適東王

公稅此馬於之田臣之王公之壇因騎此馬繞

日三匝入漢關門尤未掩

石文

關天傳信記云

幽谷關得白石篆文素字解者曰四十八也正

符帝在位之數

後漢書

漢書云宣帝罷關微之警

息民力之勞

後漢書

漢書云終軍初徙濟南嘗詰

博士入關關吏與軍繻問以此何為吏曰為復

傳還當以合符軍曰大丈夫西遊終不復還棄

繻去後軍為詰者吏行郡國建節東出關關吏

識之曰此即前棄繻生也

後漢書

漢書云班超在

西域年老思歸乃上書曰不敢望到酒泉但願

生入玉門關

後漢書

漢書云竇成為中尉抵罪髡

鉗乃解脫因詐刻傳出關亡歸

後漢書

東觀漢記

云隗囂特王元謂囂曰請以一九泥為大王東

封函谷關此萬代一時也

王關以謝西域之貨

關

後漢書云南陽少後

師之長安後苑人陳洮買入關符以入函谷關

既入封符乞人慨然曰不乘使者車終不出關

更始二年以丹為諫議大夫持節安集南陽去

家十二年果乘高車出關

漢書

云成帝元

延元年函谷關決門牡自亡谷未對曰函谷拒

山東之險關守國之固將去焉故牡飛

歎關舊

唐史云唐元宗朝西蕃君長越絕橋而競款玉
關犇突唐書云封常清安祿山渡河常清犇陝
語高仙芝曰賊銳甚難與爭鋒潼關無兵一夫
犇突則京師危不如急守潼關仙芝從之檢非
李尤云襟要約之檢固兮制關鍵以檢非咽喉
又云函谷險要襟帶咽喉因固江統云登彼函
谷爰覽兵陵地險逶迤山岡相承深壑累降修
衣重井下杳冥而幽曖上穹崇而高興帶以河
洛重以嶠阻經累封畿因固設險異服則呵奇

言必檢遺女奴於未芽駸那偽於萌漸**地險**周
弘正云武關設地險遊客好迴迴將軍天上落
童子弃繯來揮汗成雲雨車馬飈塵埃雞鳴不
可信天曉莫先開**夜析**李行言云素郊平舊險
周德卷遺黎始聞清夜析俄見落封泥物色來
无限津途去不迷空亭誰問馬關戍但鳴雞山
月寒彌淨河風曉更淒贈言楊伯起非復是關
西**古塞**齊楊哲云地險峻陵北途經分峽東逶
迤衆山盡荒涼古塞空川光流曉日樹影散朝

風聖德今無外何處是關中**吹度**李白云長風
幾萬里吹度玉門關**要樞**常應物云萬古為要
樞往來何時息

鄉里

衆句

釋名云鄉向也衆所向也

宋

風俗通云

里止也五十家共居止也

司徒

周禮云大司徒

掌邦之土地與人

之數施教法于邦國都鄙

令五家為比使之相保五比為閭使之相愛四
閭為族使之相葬五族為黨使之相救五黨為

州使之相調五州為鄉使之相賓

鄉師

周禮云

鄉師各掌治鄉之教歲冬考六鄉之治正歲則

稽其仲器比供吉凶二服問供祭器族供喪器

黨佚射器州供吉凶禮樂之器若國有大故則

鄉大夫各守其問以待正令**有廬**周禮云凡國

野之道十里有廬其飲食**三物**周禮云大司徒

掌以鄉三物教萬民而賓與之一曰六德知仁

聖義忠和二曰六行孝友睦婣任恤三曰六德

禮樂射御書數

族師

周禮云族師各掌其族之

成令久正事五家爲比十家爲聯五人爲五十
人爲聯四閭爲族八閭爲聯使之相保相愛刑
罰慶賞相及相共以受邦賦以役國事以相葬
埋**逐人**周禮云掌邦之野以土地之圖經田野
造縣鄙形體之法五家爲鄰五鄰爲里四里爲
鄣五鄣爲鄙五鄙爲縣五縣爲遂皆有地域溝
樹之使各掌其政令刑禁**無閉**月令云孟夏門
閭無閉**去國**禮云國君去其國止之曰柰何去
社稷也大夫曰柰何去宗廟也士曰柰何去墳

墓也

巷歌

曲禮云里有殯不巷歌

似人

莊子云

適異鄉者見似人而喜

杜鳴

春秋元命包云里

杜鳴中有聖人

悲心

列子云燕人生於燕長於

楚及老而還本國過晉同行者誑之指城曰此

燕國之城其人欷然交容指杜曰若里之杜也

乃喟然而歎指舍曰此若先人之廬乃泫然而

泣指壠曰此若先人之冢哭不自禁同行者啞

然大笑曰予皆給若此晉國耳其人大慙及至

燕悲心更微

桑梓

詩云惟桑與梓必恭敬止注

父之所植不敢不敬**不廢**左傳云公山狃曰且

天人之行也不以所惡廢鄉注不以私怨惡廢

棄鄉黨之好

下車

說苑云常棣謂老子曰過故

鄉而下車子知之乎老子曰非謂其不忘故耶

棧曰嘻是也

鄉射

禮記云君子所謂孝非家至

而日見之令諸鄉射教之鄉飲酒之禮而孝弟

之行立矣

問左

漢書云秦二世元年秋七月發

問左戌漁陽九百人注師古曰問里門也發問

左之人皆遣戌也

歸寇

淮南子云鳥飛反鄉兔

走歸窟狐死首丘

闕里

漢晉春秋云闕里在充

州即孔子所居故宅

式間

禮記云入里必式書

云武王式商客之間又通鑑魏文侯過段干木

之間必式

勝母

淮南子云魯子至孝不過勝母

墨子非樂不入朝歌注勝母朝歌皆里名

里族

晏子春秋云齊景公欲更晏子宅辭云敢煩敢

煩里族注族衆也

帝鄉

後漢書云河南帝城多

近臣南陽帝鄉多近親

鄉校

左傳云鄭人游于

鄉校以論執政然明謂子產曰毀鄉校如河子

產曰何為夫人朝夕退而遊焉以議執政之善
否其所善者吾行之其所惡者吾改之是吾師
也若之何其毀之反義禮記云太公封於營丘
比及吾世皆反義樊于周君子曰樂其所自生禮
不忘本古之人有言曰狐死正首丘仁也擣里
史記云擣里于注擣木名擣里子名疾秦惠王
之弟高誘注云疾居謂南之陰鄉其里有大擣
故號擣里子紀年又有謂之褚里疾史本傳三
風左傳云楚人鍾儀為晉所繫晉侯與之琴遂

操楚音晉侯曰樂操土風不忘本也遂釋之

深

明

史記云嚴仲子使聶政刺韓相狹累政直入

上皆刺殺累因自皮面抉眼自屠出腸韓人暴
其尸於市購問莫能識其姊嫫聞而而住哭之
曰是軹深井里聶政也注深井軹縣之里名

佩

印

戰國策云蘇秦字季子佩六國相印過維陽

昆弟妻嫂側目不敢仰視俯秦笑謂嫂曰何前
居後恭也嫂委蛇蒲服以面掩地謝曰見季子

高金多耳秦喟然嘆曰使我有雒陽負郭田二

項豈能佩六國相印乎**衣錦**漢書云項羽屠咸

陽殺秦降王子嬰燒其宮室羽見秦皆已燒殘

又懷思東歸曰富貴不歸故鄉如錦衣夜行**扮**

偷漢書云高祖少時祭扮偷之社及移新豐亦

立焉注扮偷鄉名**同里**漢記云盧縮豐人與高

祖同里其生與高祖同日**宰肉**漢書云陳平家

貧好讀書里中社平為宰分肉食甚均父老白

善陳孺子之為宰乎曰嗟乎使平得宰天下亦

如此肉矣**邑子**漢書云朱買臣吳人也詣闕上

書久不報會邑子嚴助貴幸薦買臣召見說春
秋言楚辭帝甚悅之拜買臣為中大夫與嚴助
俱侍中

見續

漢書云朱買臣吳人武帝拜為會

稽太守初買臣免待詔常從會稽守邸者寄食
拜太守衣故衣懷印綬步歸郡邸值上計時會稽
吏相與群飲不顧買臣入室中守邸與共食且
飽少見其綬守邸前引其綬視其印會稽太守
章也守邸驚出語上計吏皆醉不信其故人素
輕買臣者入視之還走疾呼皆驚駭列拜中庭

稱賀買臣徐出戶有頃長安廐吏乘駟馬車來
迎買臣遂乘傳去

使蜀

史記云司馬相如與臨

邛令王吉善臨邛富人卓王孫以令有貴客為
且召之并召令是時卓王孫有女文君新寡好
音故相如因以琴心挑之文君夜亡奔相如與
馳歸成都盡賣車騎買酒舍令文君當壚相如
身自著犢鼻褌絛器於市時蜀人楊得意為狗
監侍上言得召奏賦為郎其後言邛徐冉驢者
可通為郡縣上以為然拜相如為中郎將建節

往使至蜀太守以下郊迎縣令負弩矢前驅蜀人以為寵必志林云司馬長卿始以污行不齒於蜀人既而得幸天子創開邊夷苦患其父母之邦乃矜其車服使邦君負弩先驅豈詩人致恭桑梓之義哉

三組

漢書云武帝以璽書敕責

樓船將軍楊樓曰將軍乘傳行塞因用歸家懷

銀黃金三組夸鄉里注銀銀印也黃金即為主

爵都尉樓船將軍梁侯三印故云三組

通德漢

書云孔融深敬鄭玄為玄特立一鄉曰昔齊置

士鄉越有君子鄉皆異賢之意也矧鄭公之德而無駟牡之路可廣開門衢令容高車號為通

德門

次

漢書云禹石君徙居陵里慶及諸子

入里門趨至家又張湛為馮翊告歸平陵里里門而步主簿曰明府位尊不宜自輕湛曰父母之國所宜盡禮何輕之有又苗晉卿為太守嘗入壺關望縣門輒步曰公門當下况父母邦乎

高陽

漢書云荀叔舊里名西豪穎陰令以昔高

陽氏有才子八人改其里曰高陽里

月旦

世說

云許劭與兄靖俱有高名好共覈論鄉黨人物
每月輒更其品題故汝南俗有月旦評焉所短
世說云許允為吏部郎多用其鄉里魏明帝遣
虎賁收允覈問之允曰臣之鄉人所知也後祖
後漢書云光武幸南陽置酒會賜南陽吏民復
田祖一歲父老前叩頭願賜復十年帝曰天下
重器常恐不任日復一日安敢遠期十歲乎吏
民又言陛下實惜之何言謙也帝大笑復增一

歲
君子

後漢書云王烈義行稱鄉里有爭田者

者將質之於烈或至塗而反有望廬而反有盜者不辭刑罰勿使王彥方知之號所居為君子

鄉乞骸

貢禹云臣禹犬馬之齒八十一自痛去

家三十里誠恐一旦顛仆不能自還骸骨棄捐

孤魂不歸不勝私願乞骸骨及身生歸鄉里死

亡所恨

書續

魏書云張允為雍州刺史太祖曰

還鄉本州可謂衣繡畫行矣

得心

吳志云魯肅

大散財貨甚得鄉里忻心

不入

魏書云任旄字

子旗樂安傳昌人漢末黃巾起到傳昌聞旗姓

名曰夙聞任子嶠天下賢人今作賊那可入其

鄉耶

題弱

世說云謝安邑子有蒲葵扇五萬安

取其中者題之價增數倍

探珠

晉書云羊祜字

叔子太山南城人年五歲令乳母取所弄金環

乳母曰汝先無此物祜即詣鄰人李氏東垣桑

樹中探得之主人驚曰此吾亡兒所失之物何

故持去乳母具言之李氏悲悅時人異之謂李

氏子祜前身也

義纴

晉書云張翰字季鷹吳郡

人齊王問辟為大司馬東西掾問時執權翰謂

同郡顧榮語欲去意榮抗其手曰吾亦與子採
南山蕨飲三江水耳翰因見秋風起乃思吳中
菰菜羹羹鱸魚膾曰人生貴得適志何能羈官
數千里以要名爵乎遂會鳩歸俄而問敗人皆
謂之見幾**穢里**齊書云劉繪為南康相都人有
姓賴所居名里繪朝之曰君子何穢而居穢里
答曰未審孔子有何闕而居闕里**大里**南史云
花栢年漢中人嘗詣宋明帝因言及南海貪泉
帝問年云卿鄉中有此水否對曰臣漢中唯有

文里武鄉庶泉讓水足以表名

疾讐

晉書云何

曾陵駕人物鄉閭疾之如讐永嘉之末何氏滅

亡馬

鳴珂

唐書云張嘉貞為相弟嘉祐為金吾

將軍每上朝軒蓋驢導盈閭時號所居坊曰鳴

珂里

竹葉

異間錄云陳季卿江南人舉進士在

長安十年不歸偶憇青龍寺閣壁間有寰瀛圖

季卿尋認江南路歎曰安得自此歸時有終南

山翁在旁曰甚易起折階前竹葉置渭水中示

陳曰注目於此則可如原季卿熟視見一舟甚

大恍然登舟其去極速旬餘至家

同里

唐書云

常貫之於京兆尹李實實舉笏示其所記曰此
常君姓名與同里素問其賢願識之將進於上
或者喜以告曰子今日詣實明日賀者至矣貫
之唯唯不往官亦不遷

當下

唐史云苗晉卿壺

關人充河北採訪使嘗入計謁歸壺關望縣門
輒下車步吏諫止晉卿云公門當下况父母邦
乎

蓮社

廬阜雜記云遠法師結白蓮社以書召

陶淵明淵明曰弟子性嗜酒法師若許飲即往

矣遠因許之遂造焉因免入杜唐史云白

樂天致仕香山石樓與香山僧如滿結香大社

自稱香山居士鑿龍門八節灘為游賞之樂

舍五代史云蜀郡王萬寓鄭榜其居曰蜀舍

弟宋史云趙清猷公之里表曰故孝子太師趙

清猷君其里曰孝弟里

風飛鳥樓故集**信美**王粲云雖信美而非吾土

兮曾何足以少留

歸然韓愈示里門先下敬鄉人

依然韓昌

黎云此來江南近里閭故依然

羈禽

孟東野云

疲馬戀舊林羈禽思故棲

浸遠

一品集云桑梓

雖存久隔兵戈之地松楸浸遠已絕霜露之思

隣

為朋

通鑑外紀云黃帝以并一隣隣為三朋又

晉書云堯制八家為隣三隣為朋

相保

周禮云

五家為比使之相保

比長

周禮云比長各掌其

比之治五家相愛相和親

隣長

周禮云隣長掌

相糾相受凡邑中之政相贊徒于它邑則從而

授之

處宅

楊泉物理論云處宅先定隣

洽比

詩

云洽比其隣婚姻孔云

睦隣

書云睦乃四隣以

蕃王室

天道

左傳云救菑恤隣天之道也

國寶

左傳云親人善隣國之寶也

禦患

晏子云君子

居必擇隣可以禦患也

相春

禮記云隣有喪春

不相

禴祭

易云東隣殺牛不如西隣之禴祭實

受其福

不啻

淮南子云列子與南郭子連牆二

十年不相請謁

避嫌

說苑云顏叔子嘗獨處夜

暴風雨隣之娶婦屋壞趨而至叔子納之使乘

燭達旦燭盡繼以束薪自以為避嫌之不審若
其審者宜若魯人有男子獨處隣之嫠婦夜風
雨壞室而趨之閉戶不納請火淮南子云里婦
夜亡肉姑以為盜遣之里母即束緼請火亡肉
家曰夜犬得肉聞相殺請火理之姑遂還婦
徙列女傳云孟軻母其舍近墓軻少嬉戲為纂
間事踴躍築理母曰此非所以居子乃徙舍市
軻為嬉戲為買街母以乃徙舍學舍之傍軻戲
設俎豆揖讓進退習禮容母曰此可以居子矣

遂居之軻長卒成大儒

去婦

漢書云東家棗垂

王吉庭吉妻取束吉乃去婦隣人欲伐樹吉乃

還婦里語曰東家束完去婦復還

穿壁

西京襍

記云匡衡勤學無燭隣舍有火乃穿壁引其光

以書映而讀之

祭竈

漢書云御史大夫張忠署

孫寶主簿室徙入舍祭竈請北隣

投梭

晉書云

謝鯤挑隣家高氏女投梭折其兩齒時人語曰

任達不已幼與折齒鯤聞之傲然長嘯曰猶不

廢我嘯歌

啗池

晉書云石勒與李陽隣居爭漚

麻池日相歐擊及貴召陽與酣譴引陽臂笑曰
孤曩日厭卿老拳卿亦飽狐毒乎

送酒

世說云

陶侃家貧有友人過侃不能為禮隣人謂曰子
門有長者軒車何不延之侃曰貧不能備耳隣
人密於牆頭送酒醪隻雞遂成終日之歡

聽談

復酣斗

買陸

南史云梁呂僧珍為南充州刺史

初宋季雅罷南康郡市宅居僧珍宅側僧珍問
宅價曰一千一百萬怪其貴季雅曰一千萬買
宅一百萬買隣及僧珍生子季雅往賀函曰錢
一千闔人少之不為通季雅強進僧珍疑其故
自發之乃金錢也**義里**指田錄云陳翥與民紀
伯為隣伯夜竊藩置地自益翥見之伺伯去後
密拔其藩一丈以地益伯伯覺之慙惶既還所
侵又却一丈太守周府君高翥德義刻石旌表
其間號曰義里**不復**五代史云楊玠仕蜀至顯

官隨王衍歸後唐歸長安舊居多為隣里所侵
占子弟欲詣府訴玠批狀尾云四隣侵我我從
伊畢竟湏思未有詩試上含元殿基望秋風吹
草正離離竟不肯復侵地

聚隣

陶潛云斗酒聚

比隣

仁里

張平子云匪仁里而焉宅

比隣

選詩

云萬里猶比隣注在郊內者為比郊外者為隣

卜隣

杜甫云王粲顧卜隣

陋室

杜甫云傍舍頗

淳厚所願亦易求陋屋喚西家借問有酒不牆
頭過濁醪展席俯長流

連堵

韓昌黎云任屋注

連牆繕往來欣莫間

館驛

客舍

說文云館客舍也

置驛

漢書云鄭莊置驛

以延賓客

傳遽

說文云以車曰傳以馬曰遽又

詩註云克勝則使傳遽告功於王

致館

周禮云

凡諸侯入王則逆勞於畿及郊勞則致館

候館

周禮云凡國野之道十里有廬廬有飲食卅里

有宿宿有路室路室有委五十里有市市有候

館候館有積注以待朝聘之官也

不問

禮記云

見人不能館不問其所舍**授粢**詩云緇衣之宜
兮敝予又改為兮適子之館兮還予授子之粢
兮**馳傳**漢書如淳云律四馬高足為置傳四馬
中足為馳傳四馬下足為乘傳一馬二馬為輶
傳急者乘一馬曰乘一乘傳師古曰傳者若今
之驛古者以車謂之驛騎**館穀**左傳云晉師三
日館穀注館舍也食楚軍穀三日**聚橐**周禮云
野廬氏掌遮四畿比國郊及野之道路宿息井
樹若有賓客則令守涂地之人聚橐之有相戕

者則誅之

傳置

漢書云文帝詔太僕九遺財餘

馬皆給傳置注遺留傳置驛也

飾傳

漢書云宣

帝元康中詔吏或飾厨傳祢過使客以取名奢
注帝昭曰厨謂飲食傳舍言修飾意氣以祢過

使而已師古曰使人及賓客來者稱其意而遣

之令過去也

渭陽

世說云魏明帝為外祖母築

館於甄氏既成謂左右曰館當何以為名侍中

繆襲曰此館之興情鍾舅氏宜名渭陽

桃林

荆

州圖副云襄陽縣南有桃林館是餞行送歸所

萃射熊

漢書云元帝幸長楊射熊館布車騎大

獵楊雄作賦以諫

不修

左傳云莊惠為彭城令

范宣子過之橋梁郵驛不修知其不能

卒壞

左

傳云叔孫昭子聘于晉受邾人之勲執昭子寘

於箕使吏藩之昭子不以拘為意止之舍有壞

必葺去之日如始至

致饌

國語云單襄公過陳

善宰不致饌司里不授館

築館

戰國策云郭隗

謂燕昭王曰古者人

死馬首而千里馬至

王欲士先後隗始况賢於隗者乎昭王乃築館

王欲士先後隗始况賢於隗者乎昭王乃築館

而師之樂毅鄒衍劇辛皆爭走燕遂破齊延賢

漢書云公孫弘起徒步數十年至宰相於是起

客館開東閣延賢人與叅謀議衣食俸祿皆給

故人賓客家無所餘詐傳漢書云魏相為淺陵

令御史大夫桑弘羊客詐乘御傳至縣相疑有

奸安致其罪不納漢書云趙孝平王莽時父為

田禾將軍孝平以父資為郎嘗告歸步僂欲止

郵亭長不納且問曰聞田禾將軍子當過何時

至孝平曰尋將到不言漢書云劉寵免太尉歸

出京師欲息亭傳舍亭吏止之曰整頓以待劉
公寵不言而去私馬漢書云王溫舒為河內守
具私馬五十疋自河內至長安奏事迎賓漢書
云鄭當時置驛馬日郊迎賓客縣次與續食注
路次也屈館魏志云管寧與邴原相友俱遊學
吳國聞公孫度令行海外遂與平原王烈等至
遼東度虛館候之卸堠徐仲傳云仲遷詔州刺
使徙治故州創驛堠辰候事始云開元中命觀
風使鄭審檢校南京驛門即令門置十二辰候

白審使

不讓

唐書云元稹為御史自東都召還

次敷水驛中人仇士良夜至稹不讓中人怒擊

稹敗面宰相以稹年少輕樹威失憲臣體貶江

陵參軍

奪馬

唐書云高元裕以右補闕召道商

州會方士趙歸真擅乘驛馬元裕詆曰天子置

驛爾敢疾驅耶命左右奪之還具以聞

鄒書異

聞錄云廣州押衙崔慶成轄香樂網詣內庫抵

皇華驛舍夜見美婦曰今日見君必有疑俟君

回轅別圖後會擲書云川中狗百姓眼馬撲兒

御厨飯丁晉公曰此獨眠孤館四字也復驛唐書云李吉甫請起夏州至天德復驛候十一區以通緩急紛亂唐書云憲宗任中人為館驛使有曹進王者恃惡倨甚使者至多被折辱宰相李林甫奏罷之會伐蔡復以中人領使裴潏諫曰以宮臣領驛是內人而及外職紛亂必矣女歌幽恠錄云竟陵掾劉諷夜投空館有三女郎至歌曰明月清風良宵會同星河易滅歡娛不終綠草翠杓為君斟酌今夕不飲何時歡樂忽

有黃衣人曰婆提王屈娘子速來女郎皆起明日拾得翠釵數隻

鬼記

酉陽雜俎云劉元房嘗

宿湖岸驛中夜聞歌聲朝閱楹間有題云爹娘送我青楓根不記青楓幾回落當時手制衣上花今日為灰不堪着

犯戒

冷齋夜話云陶穀使

江南匡岸甚峻韓熙載謂人曰陶實非端介者其守可隳當令諸君一笑陶時宿驛俟騰六朝書半年熙載遣歌姬秦弱蘭假為驛卒女敝女掃除陶見而喜遂犯謹獨之戒因昵狎之且作

風光好詞以贈明日開宴陶召酒半出弱蘭使
歌前詞穀大慙沮**黑龍**李尤云魏魏高安明聖
是修嵯峽麗館窓闌列周長除臨起禮檻相承
聖朝明察同保休徵**弘敞**李尤云乃興平樂弘
敞麗光層樓通閣禁闥洞房焚梁照曜朱華飾
璫駟武舒秘以示幽荒加榮晉履然後來王**國**
仁潘尼云懲都邑之迫險狀里巷之囂塵慕古
公之聿宇羨孟氏之審隣將遷居於爽塏乃揆
迹於里仁**百但**袁宏云高館百餘仞迢遞虛中

亭文幌曜瓊扇碧疏映綺樓柳側杜甫云驛樓

裏擲側縣郭輕煙畔一川何綺麗盡日窮壯觀

野館杜甫云野館濃花發水驛杜甫云微冥水

驛孤亭舫韋應物云亭舫臨孤驛改館柳宗元

云華人夷人往復授館旁午而至傳吏奉符而

閱其數縣吏執牘而書其物告至告去不絕于

道勞迎劉禹錫云勞迎展謁潔之敬餞別起登

臨之思關館韓愈云歲祭未之遷逐旅蟲蛇於

海陬遇夫人之來使關公館而羅羞裴城孫樵

云褒城驛昔為天下第一今有飼馬於軒宿隼
於堂凡所以污敗室廡糜毀器用日益碎破不
與曩類

解

南宮漢書云漢建尚書百官府名曰南宮蓋取
天上南宮大微之象退之孔戣墓志云臣與孔
戣同在南宮**官司**唐書云官司之別曰省曰臺
曰寺曰監曰衛曰府**公府**續世說云近代通謂
府廷為公衙即古之公朝也字本作牙訛為衙

詩曰圻父予王之爪牙大司馬掌武備象猛獸以爪牙為衙故軍前大旗為牙旗出師則有建牙之事軍中聽號令必至牙旗之下

官寺

候鯖

錄云寺者嗣也治事者相嗣續於其中也又演繁露云凡官寺吏卒率以晨脯所時致禮俗呼衙府古有之而稱謂訛也

申政

說文云申者吏

以哺時听事申旦政也

八位

宋史云元豐初建

東西二府於右掖門之前每服相對謂之八位

槐棘

周禮云朝士掌建邦外朝之法左九棘孤

鄉大夫位焉群士在其後右九棘公侯伯子男
位焉群吏在其後面三槐三公位焉州長衆庶
在其後左嘉石平罷民焉右肺石達窮民焉注
樹棘以為位者取其赤心而外刺象以赤心之
刺也愧之言懷來人也**甘棠**詩云甘棠召伯听
訟也蔽芾甘棠勿剪勿伐召伯所爰無解石林
燕語云國初京師職事官舊皆無公解雖宰相
執政亦僦舍居每出省有中批外奏則省吏編
詣私第呈押既稽緩又多泄漏**解園**漢書云曹

參居相府舍後園近吏舍吏嘗群飲歌呼從吏
患之請參遊園間吏醉呼乃反取酒張坐飲大
歌呼與相和參見人有細過多掩匿覆蓋之大
率如此**擅飾**晉書云杜元凱為東菴校尉石監
奏其擅飾城門官舍稽乏軍兵車徵詣廷尉以
尚主在八議論贖**壞屋**晉書云阮積為東平相
到郡壞府舍屏幃使內外相望**牙臺**晉書云羅
含字君章為相州別駕才學知名以解舍喧擾
自於城西小湖安茅屋伐樹為林織簑為席而

居

全新

唐書云李聰并邠寧節度使邠署和傳

不利治垣舍前刺史視其壞不敢葺聰函使全

新之卒無異

鬼去

梁書云傳昭歷左戶尚書安

成內史郡自宋來兵乱相接府舍稱凶每昏旦

間人鬼相觸在任者鮮以吉終及昭至有人夜

見申兵出曰傳公善人不可侵犯乃騰虛而去

自是郡遂無患

狸

幽明錄云晉樂廣為河南

尹官舍多怪前尹不敢居之廣後穿壁得狸殺

之怪遂絕

舊陰

唐書云李吉甫刺彬饒二州會

前刺史繼死吉甫命留除其廨以視事

繕治舊

唐史云房琯歷慈溪宋城濟源縣令所在多興

利除害繕治廨舍頗著能名

次廨

唐書云韋仁

壽檢校南寧州都督詔歲一按行其勞將還酋

長泣曰天子籍公鎮撫柰何欲去我仁壽以池

壁未立為廨諸酋即相率起解甫旬略具

次息

夷堅志云宋徐孝先為都官尚書自晉以來尚
書寮皆携官屬居省省中多有鬼恠每夜或見
人著衣冠從中出或門自開闔見者多死尚書

周確卒於此省孝先代確居之經兩載妖變皆
息綠莎鷄跖集云河中府有綠莎廳唐時好事
者常葺之兵興以來漸已廢壞故王禹你送柴
諫議任河中詩云綠莎廳事舊鳴蟬一揆魏都
賦云廈屋一揆華屏齊榮肅肅階闕重門耳扁
師月爰止毗世作禎注府寺之制其間一揆而
牆屏之設亦齊有之闕兩階之間兩衙古人詠
蜜蜂詩云鶴鶴華華雖無官取一日兩衙則凡
官寺日耳听事吏卒因之以致其恭天子御正

朝亦名正衙不知何始報衙柳子厚云蹠蹠駟
先駕龍銅鼓報衙休簾張籍云印在休通客山
晴好捲簾

墻

墻垣廣雅云墻垣墻也又爾雅云墻謂之墻障
障釋名云墻障也所以自障也蔽垣援也人所
依阻以為援衛也墻容也所以蔽隱形容也屏
始淮南子云舜作室築墻茨屋令人皆知去蔽
次有家室此其始也辟禦釋名云壁辟也言辟

禦風寒也

貢庸

尚書大傳云天子貢庸諸侯疏

杼注貢大也言大墻正直也疏袁也杼亦墻也

言袁殺其上下不得正直

黜

劉向新序云諸

侯垣墻有黜亞無丹青之色

蔽惡

左傳云有墻

以蔽惡

裔外

神異經云西北裔外大夏山有宮

以黃金為墻南方裔外閭明山有宮以赤石為

墻西南裔外老壽山有宮以黃銅為墻東南裔

外閭清山有宮以青石為墻西方裔外西明山

有宮以白石為墻

黜

焦貢云千仞之墻禍不

入門

九

比征記云鄴城避雷室西南石溝北

有華林塙高九丈方圓一里

及

肩論語云賜之

塙也及肩

有

坎

詩云塙有坎不可掃也

雕

塙尚

書云峻宇雕塙

塗

画

漢官典職云漢省中皆胡

粉塗壁畫古烈士

被

繡

賈誼云黼繡古天子之

服也今富人大賈嘉會召客者以之被塙壁

高

牆易云公用射隼于高牆之上

大

防國語云大

為之防猶有踰者

短

垣

國語云君有短垣而自

踰

史

記宋玉云東鄰女登塙而窺三年矣

鼠穿詩云誰謂鼠無牙何以穿我牆**連牆**列子

云臺丘子伯昏瞀人連牆二十年不相謁清相

遇於道**藏書**孔安國云魯共王好治宮室壞孔

子舊宅以廣其居於屋壁中得所藏虞夏商周

之書**四壁**史記云司馬相如在城都家徒四壁

金銀漢書云趙婕妤居昭陽宮殿壁帶往往為

黃金缸**金銀**後漢記云琅邪王京好宮室理殿

館壁帶飾以金銀**引光**西京雜記云匡衡勤學

而無燭乃穿鄰壁引其光以書映而讀之**置耳**

九國志云吳崔太初多疑好察每通街交會之
所牆必置耳謂人曰還聞牆有耳否非牆耳乃
吾耳

刻字

神仙傳云白和遼東人師事王君王

君語曰我暫往瀛州汝止此石室熟視北壁久

當見壁上有文字可讀之和視三年方見壁有

古刻太清經誦之得仙

庠陋

唐史云盧懷謹卒

帝後還京校獵樗杜間望懷謹家環堵庠陋家

人若有所營者馳使問焉還白懷謹大祥帝即

以縑帛賜之

鑒鑑

唐書云漢陽公主常用鐵簪

畫壁記田祖所用**負牆**唐書云于頔家童上變

詔捕頔吏及家奴送御史獄頔與諸子素服待

罪延福門門吏不內屏營**負牆立****亦壁**酉陽雜

俎云大曆來禪師玄覽住荊州陟岵寺道高有

風韻人不可親張璠常畫古松於齋壁符載讚

之衛象詩之亦一時三絕覽悉加聖焉人間故

曰無事疥吾壁**運土**辛替否云運土塞路不充

墻壁**崔寔**正論云今典州郡者自遺詔書

縱書出入故里語曰州郡詔如霹靂得詔書但

挂壁

恋恩

宋之問云粉壁畫仙鶴頂真氣藏多

騫飛竟不去當是恋恩波

粉堵

杜牧云月色暉

粉堵

椒壁

又云椒壁懸錦幕

倉廩

掌粟周禮云廩人掌粟之入藏辨九穀之物量

入

周禮云五穀皆量必入於歲之抄**春發**月令

云季春發倉廩賜貧窮

修罔

月令云孟冬命有

司穿窬害修

困倉謹蓋藏務積聚

祈斯

詩云乃

求千斯倉乃求萬斯箱

知禮

管子云倉廩實知

禮節**甚虛**老子云田甚蕪倉甚虛**不盈**管子云

人不務地利則倉廩不盈**既京**詩云曾孫也度

如坻如京**既盈**詩云我倉既盈我庾惟憶均輸

國語云春申君於吳造倉名均輸**常滿**洛陽記

云常滿倉名**不涸**管子云積於不涸之倉者務

五穀也**不謫**文子云積於不盈之倉**紅粟**張記

云大倉武庫並在都邑紅粟利器藹若丘山**罕**

蓄劉瓛云國廩罕畜本乎冗食尚繁**巨橋**書云

武王發殷發巨之粟注巨橋紂倉**賑廩**韓詩外

傳云楚莊王賑廩同食注賑廩開倉同食上下

無異饌也**隋制**漢書云汲黯在河內大飢矯制

發倉救之河內上釋其罪**唐制**後漢書云韓韶

字仲黃為蠡長餘縣多被寇廢耕入縣界求索

衣糧甚衆韓憫其飢困開倉賑之萬餘戶主者

爭為不可詔曰活潁堑之民而伏罪含笑入地

矣太子素重其名德竟無所坐**唐制**漢書云漢

宣帝時年豐人少利令郡國築倉谷賤時增價

而糴以利農谷貴減價而糴以利人名曰常平

倉百姓宜之**比汲**晉書云鄭點為東郡守歲凶

開倉賑給待罪詔書褒歎址之汲黯須告天下

埋梁皇甫湜云何履官倉倉無斗糧公來幾時

積粟埋梁**粟藏**唐書食貨志云洛相幽徐齊并

秦蒲州又置常平倉粟藏九年来藏五年下涇

之地粟藏五年来藏三年皆著于今

庫藏

物舍釋名云庫舍也舍也者言物所在之舍也

受藏周禮云頒其貨於受藏之府**外府**周禮云

外府掌邦之出入以供百物而待邦之小用注

布帛也

六府

周禮云天子六府曰司土司木司

水司草司器司貨典司六職注府謂王藏物之

處

帑藏

說文云庫兵器所藏帑金布所藏故藏

之為名也謂之庫藏焉

天積

春秋文曜鉤云軫

南衆星曰天庫又韓陽天文要集曰天積者天

子藏府又云離珠五星在須女北為藏府

審量

禮記云季春之月審五庫之量一曰車庫二曰

兵庫三曰祭器庫四曰樂庫五曰宴器庫又商

君書云湯武破桀紂海內無患築五庫藏五兵

先賞吳越春秋云安國治民從近制遠者必先

實庫藏**貢充**周禮云凡萬方之貢以充庫府**聘**

士月令云季春命有司開庫出幣聘名士**不竭**

管子云藏於不竭之府謂之養桑府育大畜**天**

潢春秋文曜鉤云咸池曰天潢五帝車舍也宋

均注曰舍庫也五帝車之庫府**長府**論語云魯

人爲長府孔子曰仍舊貫如之何何必改作注

長府藏名**府實**子產云其輸之則君府實**管庫**

禮記云晉趙文子舉管庫之士七十有餘家

鹿

臺書云武王克殷散鹿臺之財注鹿臺紂府庫

寶臺韓詩外傳云晉平公藏室之臺焚救火三

日三夜乃止公子宴賀曰臣聞王者藏於篋匱

諸侯藏於百姓農夫藏於困庾商賈藏於篋匱

昔桀紂聚歛為天下戮今皇天降災於藏臺君

之福也**武庫**漢書云高祖七年蕭何立東闕前

殿武庫**安堵**東觀漢記云更始至長安御府帑

藏武庫皆安堵如故**農民**鍾會芻蕘論云國之

稱富在乎農民非獨謂府庫盈倉廩實也且府
庫盈倉廩實非上天所降皆取之於民民困國
虛矣**禁兵**謝承後漢書云靈帝光和中武庫屋
自壞司隸許永上書曰武庫禁丘所在國之禁
為災深也又易林云武庫軍府甲兵所聚**魚集**
魏志云嘉平中二魚集武庫屋上**龍見**晉書云
大康二年龍見于武庫井中**如丘**唐書云楊同
忠言古者二十七年耕餘九年食今天下太平
請在所出滯積變輕齊內富京師又悉天下義

倉及丁租地課易布帛以充天子禁藏明年帝
詔百官觀庫物積如兵山賜群臣各有差錫國
忠紫衣金魚**四庫**唐書云裴延齡建言左藏天
下入不貲耗登不可校請別別舍以檢盈虛於
是以天下宿負八百萬緡折為負庫抽貫三百
萬緡為贖庫樣物三十萬緡為季庫帛以素出
以色入者為月庫帝皆可之**謹出**唐書云張延
賞累拜荆南西川節度使自楊國忠討南蠻三
蜀疲敝乘輿臨狎糜用百出後更郭英人崔寧

楊子琳亂公私蕭然延賞事為之制薄入謹出

府庫遂實

何私

陸宣公云國之府庫用真貨財

物舍入官則納于其內事合給用則出乎其中
所納無非法之財所出無不道之用垣然明白
何曲何私而延齡險猾售奸詭譎求婚遂於左
藏之內分建六庫之名意在別貯贏餘以奉人
主私欲是必巧詐以變私官物暴法以刻歛私
財

廢庫

五代史云後唐明宗廢內藏庫四方所

上物悉歸之有司

五兵

李尤云搏噬瓜牙鋒距

之先毒螫芒刺予矢以存聖人垂象五兵已陳
財義 摯虞云有財無義惟家之殃無愛糞土以
毀五帝

苑園

蘊積

風俗通云苑蘊也言薪蒸所蘊積也

有園

說文云苑有園曰園園猶有也又云植木為苑
築土為園又養獸為園種木為苑
禦災 國語云
周制有之苑囿林池所以禦災也其餘無非穀
土 **覲望** 呂氏春秋云先王為苑囿園池足以觀

望勞形而已

國游

周禮云園人掌國將之獸禁

注國之離宮小苑游觀處

或會

詩疏云園者築

墻為界域故云域禽獸

鈞

唐百官志云鈞有

所戕注鈞有官也掌禁苑果木者

裕民

楊雄云

文王園百里民以為尚小齊宣王園四十里民

以為大大裕民與奪民殊也

在東

白虎通云苑

園所以在東方者謂養萬物東方物所生也

禁

山

周禮云雍氏禁山為苑令禽獸自得其性

原

園

左傳云鄭之有原園猶秦之有具園注原園

具園皆園名

儲供

唐六典云禁苑在內宮城北

臨渭水東距產川西盈故都城禽獸蔬果莫不

毓焉若祀禴蒸嘗四時之薦蚩夷狄戎九賓之

具則蒐狩以為儲供焉

窮望

淮南子云侈苑園

之大以窮要妙之望

靈園

詩云王在靈園注園

以養禽獸天子百里諸侯四十里

射鴻

左傳云

衛獻公射鴻于園

漢苑

漢書云上林樂遊博望

黃山後漢有鴻德畢圭靈崑廣成長利高望始

昌萬歲漢平皆苑名

晉苑

晉河南十二境簿云

洛陽有平樂苑子桑梓諸苑

田泉

三輔黃圖云

其泉苑中起仙人觀緣山谷行至雲陽三百八

十一里入右扶風凡周匝五百四十里

思賢

西

京襟記云文帝為太子立思賢苑以招賓客

博

望漢書云成太子既冠就宮為立博望苑使通

賓客

桂林

京邦記云建康縣北漢朝為桂林苑

上林

三輔黃圖云上林苑即秦舊苑武帝建元

三年開上林苑東南至藍田宜春鼎湖御宿昆

吾旁南山而西至長陽五柞比繞黃山瀕渭水

而東周臺三百里，離宮七十所，皆容千乘萬騎。
漢宮殿跡云：方三百四十里。漢舊儀云：上林苑
方三百里，苑中養百獸。天子秋冬射獵取之，帝
初修上林苑，群臣遠方各獻名果異卉三千餘
種，植其中，亦有製為美名以標其異。**長洲**枚乘
傳云：乘諫吳王曰：「漢上林不如長洲之苑。」**鑿林**
相如云：「天子游心於六藝之圃，覽觀春秋之林。」
八駿漢書云：武帝時，淮南王安上書，陛下以八
駿為囿，注八駿魯大野。晉大陸泰揚杵宋孟豬。

吳雲妻吳越之間其區齊海隅鄭圃田鴻德漢書云桓帝延德元年置鴻德苑麟臻漢書楊雄傳云二帝三王沼池苑囿林麓藪澤財足以奉郊廟御賓客充庖厨而已不奪百姓膏腴穀土桑柘之地故麟臻其園畢主漢書云靈帝作畢圭靈昆二苑洛陽門外麟池通曆云黃帝時麒麟游於苑囿麟圃左傳云惠王即位取為國之田以為圃注圃園圃苑也蕩圃左傳云齊侯與蔡姬乘舟于圃蕩公舟注蕩搖也圃苑也觸冠

史記云始皇欲大苑囿優旃諫曰善多縱禽於
中寇從東方來今麋鹿觸之始皇乃止**收臺肅**
何傳云何言上林多空棄地願令民得入田毋
收臺為獸食上怒械繫之**得田**漢書云高祖二
年不今曰故秦苑囿園池今民得田之**無增**漢
書云武帝即位二十三年宮室苑囿車騎服御
無所增益**振民**漢元帝紀云初元元年以苑囿
可省者振崇貧民**假貧**東觀漢記云詔有司京
師果園悉以假貧人**格熊**三輔黃圖云漢廣陵

王胥有勇力常於別園學格熊後逐熊空手搏之莫不絕脰後為獸所傷陷胷而死

詞令齊書

云東昏以閔武堂為芳樂苑窮奇極麗苑中立店肆潘妃為市令自為市吏錄事將聞者就妃罰之百姓歌曰閔武堂種楊柳至尊厨肉潘妃酤酒

卽寵

隋書云煬帝大業初築西苑周三百

里內為海周十餘里為方丈蓬萊瀛州諸山高

出水百餘尺臺觀宮殿羅絡山上向背如神址

有龍鱗渠紫紆注注海內緣渠十六院門皆臨

渠每院以四品夫人主之宮樹秋冬彫落則剪
綵為花葉綴於枝條色渝則易以新者沼內亦
剪綵為荷菱菱葉與遊幸十六院競以競差
精麗相高求市恩寵上好以月夜從宮女數千
騎游西苑作清游曲於馬上奏之

通鑑

張說傳

云后久視道署宮未還說上疏曰御苑東西二
十里外無墻垣內有榛叢溪谷猛獸所伏暴惡
所憑陛下往往輕行警蹕不肅卒有逸獸狂夫
驚犯左右豈不懼哉

孤織

張平子云御水分清

昆明下流在野決溉入宮還州菰織蒲紐菱鰓
美羞渚戲玄鵲沙眠白鷗**因原**班固云因原野
以作苑順流泉而為沼發蘋藻以潛魚豐蒲草
以育獸**跨谷**張衡云上林禁苑跨谷弥阜東至
北湖斜界細柳**兔園**謝惠連云歲將暮時既昏
寒風積愁雪繁梁王不悅游於兔園注兔園苑
名**戲孤**張景陽云苑戲九尾之孤注元命包云
天命文王以九尾禽獸孤也**雲臺**杜甫云城上
春雲覆苑牆

園圃

果菜

說文云園樹果也圃樹菜也瓠瓜天文要

集云瓠瓜星為天子果園又天園主果實菜茹

蓄儲

月部

詩云九月築塲圃

載師

周禮云載師

掌任土之法以塲圃任園地注圃植果瓜之屬

樊圃之謂園

閭師

周禮云閭師任圃植事貢草

木

場人

周禮云場人掌塲圃植果

樹檀

語云

樂彼之園爰有植檀

束帛

易云賁于丘園束帛

爻爻

汲水

淮南子云臨江之鄉其人汲水以澆

其園江水弗減也

蟄蟲

淮南子云山有猛獸林

木為之不斬園有蟄蟲梨霍為之不採

起山

魏

志云明帝起景陽山於芳林園中

漢名

史記云

漢有梁園漆園橘抽園

晉名

晉宮閣名云有靈

芝園蒲陶園瓊圃園石祠園名鵠園

芳林

魏志

云芳林園避少帝諱故曰華林

官宿

詩云折柳

樊圃

不耘

列子云三畝之圃不能耘

平圃

山海

經云槐江之山實惟帝之平圃

玄圃

淮南子云

崑崙山有曾城九重其高萬一千里玄圃閼風

在崑崙之中又穆天子傳云春山之澤清水出
泉溫和無風百獸所飲先王所謂玄圃也

拔葵

史記云公儀休相魯拔園葵去織婦

田螺

國語

云趙簡子田於螻螻園名

食桃

韓子云昔弥子

瑕有寵于衛君與遊于果園食桃而甘以其半

啖君君曰愛我哉

夔相

禮記云孔子射於矍相

之圃蓋規者如堵墻

無識

列子云子居鄭圃四

十年人無識者

抱甕

莊子云子貢見漢陰丈人

為圃畦鑿隧入井抱甕出灌力多而功寡子貢

曰有械於此鑿木為機後重前輕挈水若抽數
如沃湯其名桔槔日可浸百畦丈人笑曰有机
械者必有机事有机事者必有机心道所不載
吾不為也

御宿

三秦記云漢武有名園曰樊川

一名御宿有大梨如五升名含消芝生漢書云
明帝詔曰先帝時靈芝生芳林園中自吾見城
承露已來其露復降芳林園

符鋤

漢書云孫室

為京兆尹署侯文為東部督郵潯陵杜桓季杜
門不通水火持鋤理園不敢犯法

得郎

漢記云

桓帝時沛國戴異鋤園得黃金印**自負**陳留者

舊傳云范丹學通三經常自賃灌園**不窺**後漢

書云法真隱大澤講論術藝歷年不窺園圃又

云董仲舒讀書下帷三十年未嘗窺園**免相**漢

書云戴宏為河間相自免歸而灌蔬以經教授

園公陳留志云園叟居園中世謂之園公向秀

呂安灌園於此收其利供酒食**得金**世說云管

寧華歆園中鉏菜見地有片金管揮鉏與瓦石

不異華投而擲之**不獲**晉書云王猷之高邁不

羈常經吳郡聞顧辟強有名因先不相識乘肩
與徑入時辟強方會客獻之游歷畢傍若無人
辟彊勃然數之曰做王非礼也以貴騎士非道
也失是不足齒之便驅出門獻之不以屑意

公

石崇云余從太僕卿出為使持節監青徐軍

事有別廬在河陽縣界金谷澗中或高或下清
泉茂林衆果竹柏藥草之偶娛目歡心之物備
矣

聞

誦

後漢書云吳祐遷膠東相時濟北載宏

父為縣丞宏年十六從在丞舍祐每行園常聞

諷讀之音甚奇之與焉友宏卒成儒宗**盜筍華**

陽國志云何隨家巷竹園人盜其筍隨行遇見

恐盜者覺怖走竹傷其足挈屐徐步而歸**種藥**

桂陽先賢記云蘇統嘗除門庭有衆宿來統告

母曰人招統去已種藥後園梅樹下可治百疾

一葉愈一人賣此藥過足供養**會心**世說云簡

文帝游林園顧謂左右曰會心處不必在遠騎

然林水便自有濠濮間趣**閑慕**晉書云惠帝在

華林園聞蝦蟇聲鳴曰為官乎為私乎**夷鎮唐**

書云魏頽裴文林為京兆守於府下起葦園使吏拔問鉏治之**翻車**魏志云馬鈞居京都有園無水灌作翻車令兒童轉之灌水自覆更出更入功倍於常**賣菜**宋書云柳元景為尚書令家有園守者賣菜得錢三萬送宅元景曰我立此園種菜以供家中啖耳乃復取錢奪百姓之利耶以錢乞守園者又元城語錄云溫公獨樂園園丁得游人錢十千納公不受**盜蔬**齊書云范元琰家貧以園蔬為業嘗值人盜其菰苴不為

問又涉溝盜其筭者元琰伐木為橋度之盜者

大慙

平泉

賈氏談錄云贊皇公平泉莊周迴十

里建堂謝百餘所今其址猶存天下奇花異草

珍松怪石靡不畢致其間德裕自製平泉草木

記今悉無絕怪石名品甚衆多為有力者取去

唯禮星石師子石今為陶學士徒置梨園別墅

治園

李易簡傳云易簡求還東郡治園沼林藪

賜主

唐書云孫伏伽諫太宗曰陛下賜蘭陵公

主園直百萬

宿賞

徐勣傳云戒子崧曰開營小

園非存播藝以要利政欲穿池種木少寄清賞

無喻

詩云無喻我園

禮園

相如云雍容平禮園

劉荆手書園

園

潘

云灌園鬻蔬以供朝夕

之膳

養素

任彦升云養素丘園台階虛位

蔡生

陸士衡云種植北園中葵生藟萐萐

葵

魏文

帝云登路寢而听政總群司之紀綱逍遙後庭

休息閑房步輦西園閑坐玉堂

上才

曹子建云

西園游上才注文帝每以月夜集文人才子供

游西園

清夜

曹植云公子敬愛容終晏不知疲

清夜游西園飛蓋相追隨

附錄

陶淵明云田園

將蕪胡不歸

附錄

又云摘我園中蔬

目步

又云

園日涉以成趣

附錄

梁元帝云高軒聊駛望煥

景入川梁波橫山度影雨罷葉生光日移花色

異風散水紋長

附錄

梁庾肩吾云春光起麗譙

疑步陟山椒閣影臨飛蓋鶯鳴入洞簫水還登

故渚樹長合前橋綠荷生綺葉丹騰上細苗頽

循塹振藻何用擬瓊瑤

附錄

杜甫云餘潤通藥

園

附錄

又云隨春入故園

依水

又云名園依綠

水漏徑

于鵲云開門朝掃徑輦水夜澆花

風樹

柳子厚云俯月檻於迴溪出風樹於篁中

百哇

柳子厚云凡闢地南北東西若干園

類傳問卷第十二終